

欽定戶部漕運全書

欽定戶部漕運全書卷九目錄

徵收事例

徵收漕糧

隨漕雜款

徵收漕糧

一各省漕糧向係軍民交兌軍強民弱每多虧欠

索順治九年以後定爲官收官兌酌定賄貼銀

米隨漕徵收官爲支給民間交完糧米卽截給

印串歸農軍民兩不相見一切浮費概行革除

一漕糧開徵之時如有州縣蠹役包攬代完及

飛派等弊該督撫卽行指叅

順治十三年

一州縣拖欠錢糧該管監兌糧道等官嚴檄行

催不得差役致滋勒索違者該督撫指叅

順治十五年

年

一徵收糧米責成印官稽查不許顆粒囤貯私家如有紳衿大戶仍囤私家不行交倉者管糧

官詳報總漕題叅

康熙元年

一各州縣徵收漕米如有淋尖踢斛剗削斛底改換斛面及另取樣米并斛面餘米以及貴折

賤買等弊總漕各督撫確查題叅

康熙四年

一漕糧耗米例應徵收本色給軍如有私自改徵折色者各該督撫題叅照私自改折漕糧例

議處

康熙三十三年

一有漕省分如有米色不齊令於漕糧未運之

先預行題明

康熙三十九年

一各省徵收漕米例應遵照部頒鐵斛公平收

兌康熙四十四年復奉

諭旨鑄造鐵斛鐵升底面一律平準頒發各省一體遵

行

一徵收漕糧定例無論官儒民戶一體督催及

時入廩雍正二年欽奉

諭旨除去僞戶宦戶名目如有生監包攬拖欠卽行重處儻印官瞻顧不力革此弊者查叅治罪欽此

一蘇松州縣所點收書如僉派匪人以致侵蝕漕糧者收書照監守自盜律治罪僉派州縣照

溺職例議處

雍正四年

一蘇松二府所收漕糧丁兌之外果有盈餘該州縣報明存貯公所以爲修理倉廩及賑濟之用儻有借盈餘名色加收斛面貽累小民及該

道扶同徇隱查出從重治罪

雍正四年

一徵收漕米照徵收錢糧例於花戶名下註明
紳衿某人於奏銷時查明抗欠按律治罪
雍正六年

一雍正六年欽奉

諭旨江浙徵收漕米但擇乾圓潔淨不必較論米色准
令紅白兼收秬稷並納永著爲例欽此

一州縣徵收糧米預將各里各甲花戶額數的
名填定連三版串一給納戶執照一發經承銷
冊一存州縣查對按戶徵收對冊完納卽行截
給版串歸農其未經截給者印官查摘追比若

遇有糧無票有票無糧卽係胥吏侵蝕監禁嚴

追有漕各省畫一遵行

雍正八年

一州縣收漕官蠹書留難刁蹬副書講盤說合
及踢斛淋尖等弊乾隆元年題准漕米到倉州
縣驗明米色隨到隨收諸弊概行嚴革儻有陽
奉陰違令該管道府稽查察訪如有徇隱該督
撫將道府等一併叅處

一豫省漕糧向止合邑總額並無每畝派徵定
數乾隆三年題准將祥符等州縣各照現額漕

米數目除原不派漕之更名等地外無論熟田
新陞一例均派覈明某則地每畝徵米若干徵
銀若干遇閏加徵銀米若干載在賦役全書遇
有陞除按則增減其改徵黑豆各數賦役全書
內統以米數開造不必另立

一湖北省南北二項漕糧合收分解永遠遵行
如有分項徵收零星多取者該督撫卽行查叅
倘別省收漕地方有分收者該督撫酌量查禁

乾隆

四年

一江南海州漕米民折官辦爲數無多令該州

購買白色乾潔好米交兌不准紅白兼收

乾隆五年

一各省收漕厥口題定江南下江一省按照區

圖派厥收納浙江江西湖南河南四省不分區

圖隨厥收納湖北山東二省及江寧糧多之處

按照區圖收納糧少之處不分區圖收納毋致

糧戶擁擠守候

乾隆五年

一乾隆六年江南秋雨連綿米色稍減欽奉

上諭從前原有紅白兼收之例該地方官酌量可收卽

日收兌抵通之後或慮不能久貯卽發爲俸餉之用
欽此嗣浙江省亦循例奏明紅白兼收秬稷並
納

一糧重倉多之區州縣不能兼顧例點老成殷
實書吏收糧並令內署親戚家人等分派坐倉
看收乾隆八年題准嚴飭州縣於開倉時親身
至倉查察如遇因公他出暫委佐貳官輪流監
收其州縣在倉看收人等以及書役如有包攬
浮收交通舞弊卽行揭報嚴叅究處如監收佐

貳官扶同隱匿該督撫一併究叅

一各省收兌漕糧斛式向係底面一律平準因口大邊闊易滋浮溢乾隆八年題准改用小口另鑄小口截斛頒發有漕各省並倉場一律遵用其從前原頒大口截斛繳銷

一各省收漕緊兌之時印官不能處處親驗以致胥役等多方刁難民間私議折納等弊欽奉

上諭令有漕地方大小官員嚴行釐剔欽此

乾隆十年

一江南沐陽縣漕糧向在東省採買粟米兌運

嗣因陸運維艱改在附近之山鹽高寶等處採

買秬米兌運

乾隆十三年

一乾隆二十年欽奉

諭旨漕糧徵收米色顆粒務須一律乾圓潔淨若非實在水旱歉收之年該督撫不得以米色不齊濫行陳請欽此

一乾隆二十三年浙江杭州湖州二府屬夏秋雨水稍多間有成災欽奉

諭旨著該撫分晰確查將所有應行起運漕糧不論紅

白粳種准其一體收兌欽此又奉

旨該撫當按實在成災者分別辦理通省不得援以爲
例欽此

一乾隆二十三年江蘇田禾因被風潮所納漕
米顆粒帶有青白以之煮食原與好米相同但
久貯在倉則不免折耗奏准於抵通之時先行
支放可無虧損

一蘇松各州縣俱鑄給鐵斛一張作爲樣斛與
木斛較量畫一兌收如有參差敲動形迹并木

板未乾等弊卽行據實查叅

乾隆二十三年

一乾隆二十四年浙江漕糧米色雖屬乾潔其中間有青腰白臍難以久貯奏明先行支放甲米欽奉

諭旨此次運到浙漕准其另倉收貯先行支放嗣後漕糧米色顆粒務須一律乾圓潔淨不得濫行陳請援例收兌欽此

一各省收漕州縣如有置斛不用雖數十石百石概用斗量不用平木板攬多用尖斗更有暗

開斛角密覓斛面浮收清弊總漕各督撫等加
意嚴查實心釐剔察出將該州縣等立即指名
叅奏併將未經查出之該管道府等一併叅處
如不行叅奏別經發覺將該上司嚴加議處

乾隆

二十
五年

一江蘇浙江等省如有紳宦富戶將潮潤之米
公然令家人子弟持帖完漕州縣官驗明確實
將米封貯通行詳揭督撫卽行題叅仍一面飭

令易換好米交倉

乾隆二
十九年

一河甯儀封縣北岸地畝撥歸考城辦運漕米

南岸仍應儀封辦運因米數僅三十九石零一

併撥歸考城徵辦

乾隆五十二年

一嘉慶二十一年奉

上諭給事中張源長奏漕務切弊一摺漕糧歲輸天庾
爲國家惟正之供例係徵收本色有漕州縣勒收折
色向干嚴禁現值年豐穀賤若令小民以賤價糶穀
交納折色是閭閻終歲勤劬所得升斗大半糶以輸
官以有限之蓋藏供無窮之腴削其爲病民實相倍

徒著通諭有漕省分各督撫轉飭所屬徵收糧米概以本色交納毋許勒折滋弊如有專利虐民者卽據實嚴叅勿稍徇縱欽此

一道光二年奉

上諭御史程裔采奏請禁收漕州縣自行買補兌糧一摺各省徵收漕糧禁止折色功令綦嚴若州縣官勒折買補米色必多攙雜如該御史所奏地方官甫經開徵卽虛報滿版封倉勒折小民守候稽遲只得折色改兌倉廩並無實貯仍須買補兌交

州縣冀圖賤胥役復肆侵欺米色豈能乾潔加
以旗丁折兌不肯收好米買抵兼之多索幫費濫
行兌運收倉以致抵通時霉變難資久貯自係實
在情形著通諭有漕省分各督撫嚴飭該州縣於
收漕時親自驗明米色隨時兌收儻查有開徵數
日卽行封倉勒折自用賤價買補及旗丁折兌濫
收情弊卽據實嚴叅懲辦毋稍瞻徇至各省設立
糧道督辦收兌是其專責若令兼署他缺轉致本
任拋荒嗣後卽責成該管糧道等專司稽察該督

毋得另行委署別缺致有曠誤以專責守而重倉儲欽此

一江蘇各屬應徵道光三年漕糧因水旱不時未能一律純潔奏請飭令各屬察看米色如果乾潔卽行量爲斛收交兌奉

硃批去歲夏秋之際水旱不時自是實在情形嗣後斷不許動輒藉口仍應督飭各屬務期一律純潔慎之欽此

道光四年

一江蘇句容縣地處山陬種稻者多道光三年

雨水過多圩田被淹買秧補種節令已遲其成
熟山田惟產秈稻未能一律全收秈米咨請無
論正贈秈稈兼收部議漕糧米色未能一律開
徵時自當隨時報部不得於漕船開行後始行
咨報致難交換姑念上年雨水過多尙屬實情
暫准稈秈並納嗣後不得援以爲例

道光四年

一道光四年奉

上諭御史陳肇奏請飭禁徵收錢漕積弊一摺各省
漕務積弊相沿土豪蠹役壟斷把持遂有以完作

欠之弊又收漕時委員以查漕爲名實爲調劑候
補人員起見不過勒索陋規均不可不嚴行飭禁
著各省督撫嚴飭所屬州縣每季徵收完解時將
實欠花戶姓名送該管道府用印仍發回本地張
貼如有已完作欠者許該花戶指控究辦其各省
查漕委員概行停止毋許仍沿積習等因欽此

一道光五年奉

上諭前據英和奏通籌漕河全局請暫雇海船以分
滯運酌折額漕以資治河當交有漕省分各督撫

等悉心議奏嗣據各督撫等詳悉籌議安徽江西
湖廣離海較遠浙江乍浦寧波海口或不能停泊
或盤剝費鉅惟江蘇上海商船據琦善等奏可以
暫行海運已有旨交議籌辦矣其折色一節據程
含章奏望礙難行請仍收本色琦善李鴻賓陶澍
楊懋恬嵩孚等均以爲弊竇叢生請收本色由州
縣變價歸公惟成格張師誠因全收折色不便於
民請以本折各半徵收朕以漕糧爲天庾正供徵
收本色由來已久改收折色易滋弊端所有江蘇

安徽浙江湖廣折色一節已降旨無庸議並將該督撫等變價歸公及本折兼收之議概予駁斥仍令江西省再行妥議尙未奏到現當秋穫登場各省將次徵收漕米喫緊之時若耽延時日不早定議恐不肖官吏藉端影射舞弊病民所關甚鉅著通行曉諭有漕省分各督撫所有應徵漕糧仍照向例徵收本色毋得藉口折漕致滋擾累並著琦善嚴飭體察情形明年各省軍船行抵江境應如何渡黃運通自應早爲計及通盤籌畫據實具奏

並咨會各該省督撫妥爲辦理俾不至臨時周章
總期無誤開兌日期又能全數抵通方爲妥善將
此通諭知之欽此

一道光五年浙省禾苗因風受傷米粒未能飽
綻內多青腰白膳所有向徵粳米之海甯等州
縣奏准紅白兼收秬稷並納仍飭各州縣加意
揀選不得藉詞濫收

一道光二十六年欽奉

上諭柏葰等奏請將江蘇省完漕大戶小戶等名目概

行禁絕等語據稱查明江蘇向來完漕紳富謂之大戶庶民謂之小戶以大戶之短交取償於小戶因而刁劣紳矜挾制官吏索取白規大戶包攬小戶小戶附託大戶又有包戶之名以致畸輕畸重衆怨沸騰紛紛滋事又旗丁津貼原有定額近來總以米色爲詞多方挑斥逐漸加增是幫船多取一分於官州縣卽多取一分於民種種弊端關繫非輕若不及早整頓貽患何所底止著兩江總督江蘇巡撫認真查察所有前項大戶小戶包戶各名目概行禁絕一律均

收尤不准旗丁額外多索幫費倘敢抗違不遵或州縣中竟有浮收入己情事卽行據實嚴叅從重治罪毋稍瞻徇以肅漕務而清弊源欽此

一道光二十六年欽奉

上諭京倉收儲歲漕穀石自有一定額數以收抵放原屬有贏無絀本日戶部奏比較歲漕數目開單呈覽朕詳加披閱近年漕糧運京多有短少本年尤甚較之全漕短至一百萬石蘇松江安兩糧道起運尤屬不敷現居開徵兌漕之時著通諭有漕省分各督撫

自今年爲始清糧一經徵齊卽將該省額徵若干本年
起運若干緩缺若干逐一比較上三居數目據實
奏明迅卽造具清冊報部俾得預先覈計不得沿向
來舊習於開兌以後始行咨報倘比較有減無增卽
由該省設法立將短數補足起運方不致有誤支放
併著漕運總督一體遵照悉心籌畫實力稽查總期
漸除積習按額收倉庶漕政可肅而積儲常充矣餘
依議欽此

一道光二十九年欽奉

上諭前據李星沅陸建瀛先後具奏南漕改折流弊易

滋諸多窒礙各等語當交原議王大臣等會部議奏
茲據悉心覈議具奏應如該督撫所請毋庸議折本
日適據耆英奏到南漕暫緩改折一摺朕詳加披閱
折漕之議原因外省州縣折色過重徒充私橐轉紬
正供因力求變通令各就往年徵糧實數酌減徵收
期於興利除弊既據該督等以種種格礙難行分晰
陳奏惟恐不肖州縣借折色之名抑勒倍取是便民
之舉轉致病民亦不可不防其漸所有各省漕糧著

准其仍照舊章辦理毋庸分成議折但變通既恐滋弊守舊宜復成規漕糧爲天庾正供不容顆粒短絀封疆大吏尤當激發天良隨時整頓嗣後務須實力徵收全漕兌運倘各屬有捏災註荒及官吏私徵中飽州縣浮收勒折等弊必應嚴加釐剔其不肖州縣肆無忌憚如敢浮收勒折病民肥己一經查出卽著指名嚴叅治罪毋稍姑容該管上司倘有意存徇庇者著一併從嚴叅辦經此次申諭之後如該督撫等仍漫不經心諉之於弊難周察相率因循或不竭力

思辦全漕任聽屬員坦報災歉朕惟有執法從事恐該督撫等不能當此重咎也懍之慎之將此通諭知之摺併發該部知道欽此

一道光三十年欽奉

上諭陸建瀛奏覆南漕改折會議需時請仍照舊章辦理一摺又另片奏改折窒礙情形請免再議等語前因傳繩勛陳請蘇松太倉三屬改折漕糧給事中曹楫堅極言其難行經部議指出各情節諭令陸建瀛會同傳繩勛妥議茲據該督奏稱辦漕現已屆期倉

猝旣虞貽誤復以折漕必致缺米更張更屬非宜在
傅繩勛因收漕棘手欲爲變通自係爲裕國均賦起
見而陸建瀛從本計深籌慮多窒礙亦係實在情形
著如所請江蘇新漕仍照舊章辦理無庸會議仍飭
嚴禁大戶小戶名目並不准幫丁於奏定幫費外稍
有勒索總之南漕爲天庾正供果能變通盡利亦應
隨時制宜該督撫惟當熟籌利弊國計民生期於兩
有裨益方爲不負委任勉之餘著照所擬辦理該部
知道欽此

一江蘇省蘇松常太四屬漕糧經署兩江總督
李鴻章於裁除浮收案內奏明本色收漕每石
餘耗以三斗爲率折色收漕每石折價年內以
四千五百文爲率年外以五千文爲率征收地
漕各款條銀每兩折價以二千文爲率經戶部
奏明折征數目既奉

特旨允准令遵照定例於十月開倉年內掃數完竣每
石折價統按四千五百文之數征收如實有疲
玩之戶年外完納不能不加價示罰者卽准其

按每石五千文折收該督撫務須於每年十二
月底將各屬年內征收本色若干折色若干緩
至年外徵收者若干截清數目專案奏報倘該
督撫等並未奏報有案卽悉令按每石四千五
百文完納不准加收分文其收本色者每石加
耗米三斗收條銀者每兩折價錢二千文亦令
各屬永遠遵守不准絲毫浮濫至或交本色或
交折色仍聽民便毋許任意勒折及故意挑剔
挨延儻查有前項情弊卽由該督撫從嚴叅辦

嗣據該督奏准同治五年分冬漕酌議折價案
內聲明銀米翔貴之年固當因時變通米價稍
平之年自宜一體核減本年蘇松各屬米價較
上年稍爲平減今居冬漕應完折色每石折收
制錢三千二百文加公費錢一千文其完本色
者裁去餘耗米三斗亦改交公費錢一千文如
遲至年外仍無分本折加收錢五百文同治六
年復據兩江總督曾國藩等奏准米價平減酌
量核減征漕折價完折色者每石折收制錢二

千四百文所有公費係抵辦漕一切要需各糧
戶完糧無分本折按照定章將公費錢文隨正
交清儘有交米而不交公費者將該糧戶比照
抗糧之例從嚴懲辦嗣後公費及年外加價均
援案辦理其折色征收錢
文互有增減由該督撫等隨時酌量米價核定
年終奏明報部以備查覈歷據該督撫等奏明
同治七年折收制錢二千四百文同治八年折
收制錢二千九百文同治九年折收制錢二千
二千七百文同治十一年折收制錢二千六百
文同治十二年折收制錢二千八百文同治十
三年折收制錢二千四百文此外同治四年減
賦案內經戶部議准南郵局糧籌補濟支以各
屬隨漕徵收之費解錢文通融撥補同治六年
由江督等奏明不論本折每石隨收費腳錢五

十二文不在
此款之內

一浙江省嘉湖二府應徵白糧被兵之後新墾
田地土性堅瘠米質柔嫩舂白難於合式經浙
撫奏准按照成熟分數徵運以紓民力

同治五年

一同治六年欽奉

上諭御史崔穆之奏請嚴禁各省州縣浮收漕糧一摺
漕糧爲國家正供各省州縣自應按例徵收若如該
御史所奏山東省有漕州縣按章徵收者絕少往往
於官斗之外倍蓰加收並立樣盤名目縱容蠹役格

外剝削民間視以爲苦祇得折價完納其浮收之數
與完米增至數倍者無異卽或經該管上司查明減
成完價出示申禁該州縣並不張貼浮收如故東省
如此他省亦在所不免是浮收之弊例禁雖嚴而不
肖州縣仍敢視若具文誅求無厭以有限之脂膏充
難盈之豁壑積習相沿殊堪痛恨卽著各直省督撫
嚴飭所屬各州縣澈除積弊各按漕糧定額一律徵
收不准於正額之外任意加增妄取儻敢故違卽著
各該督撫等查明嚴參懲辦將此通諭知之欽此

隨漕雜款

一漕糧贈貼各省名曰不同江南謂之漕贈浙江謂之漕截山東河南謂之潤耗江西湖廣謂之貼運康熙九年題准漕糧贈耗銀米一併刊刻易知由單發給納戶隨漕徵給軍丁催徵各官不得私派挪移違者糾參

一各省漕糧贈貼多寡不同江安山東河南每米百石徵銀五兩米五石蘇松常鎮四府每米百石徵銀十兩米五石浙江每石徵漕截銀三

錢四分七釐江西每石徵贈銀三分贈米三升
又徵給副耗米一斗三升湖廣無加贈銀米康
熙十年題准於四耗之外加耗二斗隨糧徵給
一東省州縣向因額編腳價不敷并幫貼弁丁
運費及管糧官役浮費私徵加二耗米雍正七
年奏明裁減每石准收加一五耗米分貼贈運
倘有多收及借端派費嚴叅治罪

一江蘇溧陽縣漕糧派兌江淮衛三六兩幫每
石民貼過湖米三升以爲漕船赴次撥淺修船

之費

乾隆元年

一凡雜項銀兩令民自封投櫃毋許經承執戥

秤收屆期一體監拆倘有勒索偷取等弊指名

題參

乾隆二年

一乾隆三年欽奉

諭旨耗羨雖減而不肖有司巧爲營私將戥頭暗中加

重著各省督撫轉飭布政使遵照徵收錢糧之天平

法馬製定畫一之戥飭令各州縣確實遵行欽此

一各省徵收正項錢糧每百兩例扣減半餘平

銀一兩二錢五分向係按年解部乾隆三年欽
奉

諭旨從乾隆三年爲始一概停其解部存貯本省司庫
遇有地方荒歉及裨益民生之要務確查應行賑恤
辦理者卽將此項奏明動用報部查覈欽此

一江南上下兩江額徵正項漕糧漕項外有漕
費銀米一項係里民願輸分給州縣幫丁以爲
修倉及挑撥等項之用乾隆四年題准上江漕
米每石收耗米一斗以五升給丁以五升畱給

州縣下江漕米每石收銀六分折錢五十二文
以二十七文給丁二十五文畱給州縣外收水
脚錢五文水次離倉遠者每十里加錢二文其
餘陋規盡行革除責令監兌各官嚴察如旗丁
額外需索卽照枉法贓律治罪州縣額外多收
照因公科歛律治罪嗣因錢價增長復經題明
將下江漕費錢文減去六文每漕米一石祇收
錢四十六文以二十四文給丁二十二文畱給
州縣其所收錢文無論畱給州縣存給幫丁概

令州縣隨時出易毋得堆積至兌漕時將銀給
丁以三分爲率有餘不足統於畱給州縣錢內
通融酌補錢價消長無常督撫隨時損益辦理
一各省漕耗等項久經酌定成規而不肖有司
竟有立名勒索苦累民間者督撫力爲釐剔道
府密行訪察揭叅治罪倘有徇隱督撫覺察將
道府一併題叅究治

乾隆五年

一江南上江潛山等二十州縣於酌定漕費米
石之外徵收水脚銀錢每米一石或銀二三分

至五六分或錢十餘文至四十餘文不等定遠
縣收錢一百文乾隆六年題准禁革七年因各
該州縣離次寫遠輓運維艱需費浩繁復准照
舊徵收

一江南省漕糧項下給丁沿途一五一三折耗
米石例不支給漕耗銀米因該省節年悞行給
發乾隆七年部議停止欽奉

上諭著照舊支領永免停止他省不得援以爲例欽此
一浙江漕糧收兌米石應支漕截銀兩例應按

照抵壩起交一七米數給發因該省悞照正兌
之例按照二五之數支給乾隆七年題准改正
照一七之數支給

一漕截銀兩每兩祇應徵火耗二分白糧項下
每完糙米一斗應徵耗米三升向係攤算應徵
數內徵收嗣因各項銀米歸於地丁統徵分解
有將耗銀耗米照依地丁一例徵耗者乾隆七
年題准令有漕各屬於隔歲年底刊刻易知由
單地丁加耗若干白糧加耗若干漕截加耗若

干如何均攤勻扣於單內逐一註明該戶照單
完納如有多派私折等弊立即嚴叅從重治罪
一漕項銀兩與地丁統徵分解例係一併刊刻
易知單內徵收遇有地丁蠲豁漕項例不並免
撥出另徵易滋影射乾隆十年奏准令州縣遇
有蠲免地丁之年將蠲免地丁錢糧之內應徵
漕項每畝若干逐細覈明另款開入易知單內
照數徵收

一各省漕耗銀米如遇截留之年隨正徵收分

別支解如遇折徵之年該督撫因時調劑徵收

以資辦公

乾隆十年

一浙江杭嘉湖三府屬徵收漕糧每石向收漕費錢八文至二十一文不等嗣因辦公不敷題准杭州湖州二府屬仁和錢塘海寧富陽餘杭安吉歸安烏程長興德清武康等十一州縣每石加收錢二十文嘉興府屬嘉興秀水嘉善海鹽平湖石門桐鄉七縣每石加收錢三十文俱於原定漕費錢文之外分別加添以爲修倉鋪

墊之用如有藉名浮收者查明立即叅處
乾隆十六年

一嘉慶四年欽奉

上諭錢糧一項例應民間自封投櫃久經嚴禁私設官
店以杜浮收其鄉民內向有折交錢文者若竟行禁
止恐小民不諳銀色反受胥吏愚弄各督撫務於開
徵之先按照時價嚴定換銀上庫之數每兩徵收大
錢若干文出示曉諭聽民自便毋許絲毫浮收欽此
一各省解京餉銀應扣減半平餘卽在各屬額

徵耗羨銀內劃出解部並非別有徵收之款自
乾隆三年欽奉

諭旨停解存貯本省司庫遇有地方荒歉及裨益民生
之要務確應賑卹辦理者卽將此項奏明動用欽此
嘉慶五年戶部奏准嗣後各直省凡協濟外省
及本省一切支銷銀兩應扣餘平仍照舊例另
爲扣存藩庫備用仍將每年動支銀兩及應扣
各數年終造冊送部查覈戶部於次年底彙摺
具奏

一江安糧道消耗項下每年額編兩江總督衙門火藥銀一百二十三兩六錢二分七釐歲修執事銀一百二十兩盡數刪除又每年定編兩江總督衙門吏役工食紙張銀一千五百六十兩酌減十分之一銀一百五十六兩仍畱支銀一千四百四兩從嘉慶六年起畫一刪減造報一江西各幫每船新增半耗米七石五斗原爲籌添運費奏准令各該州縣永照一兩九錢折給倘遇風水賠累等事通融籌辦以收實效

六年

一江安糧道每年借動餘平銀兩俟平餘充裕之日歸還如或不敷另詳籌補查有嘉慶四五年兩漕耗變價銀內動銀七千兩調劑項下提存備公銀內動銀六千兩共銀一萬三千兩發典生息

按月一分

撥還歷年借動銀兩俟清還墊款

即將本息循環生利以備平餘不敷之年添補供解如遇漕務另有需用所存本銀一萬三千

兩撥還道庫歸款

嘉慶七年

一江安糧道庫每年應扣餘平銀兩不敷支解
公費自嘉慶七年爲始將應解漕運總督衙門
公費酌減一成銀三百二十兩兩江總督衙門
公費酌減一成銀四百兩

一浙江省漕項銀內奉撥京餉向於耗羨銀內
每千兩扣存銀二十五兩其鄰省協餉並道庫
支銷並無另扣平餘名目免其扣解

嘉慶七年

一蘇松糧道所屬幫丁每正糧一石徵漕費銀
六分折收錢四十六文乾隆四年奏明此項錢

文價值消長無常價貴減收價賤又須籌畫底
酌量權衡務使軍民相安乾隆八年漕運總督
自行酌定總以六分爲主按八折徵收錢四十
八文雖錢價稍有增減照此辦理不得年年紛
更嘉慶十一年經戶部咨取軍民相安印結送
部備案

一安徽宿宣等州縣原編南屯協撥兵米改爲
漕米所有隨徵耗米請照例給丁以資辦運部
議此項米石係加裝搭運非正運可比且業經

給與負重席贈銀米運務已屬有資此項隨徵
耗米行令該督即將十二年起至本年止速飭
解道報部查覈

嘉慶十七年

一湖北荊州荊左荊右沔陽及湖南岳州等五
衛軍船載運湖南漕糧所需運義造費銀二萬
六千六十九兩八錢零因各該衛屯田被災緩
徵經湖南巡撫奏請援案籌借司庫留備項下
移解糧道濟用仍飭照案將緩徵銀兩如數徵

完歸還本款

道光二十五年

欽定戶部漕運全書卷十目錄

兌運事例

運漕腳價

水次派運

運漕腳價

一雍正六年奏准河南各府州縣漕米運至衛輝水次程途有三百里至六七百里不等但三百里以內者既有例徵漕糧耗羨以資腳價而路至三百里以外糧至一千石以上者條奏每百里每石給腳價三分似可敷用但恐寒冬雨雪道路泥濘水次候兌不免需時請將米至一千石以上離水次尙在三百里以內之祥符陳畱杞縣通許太康尉氏洧川鄆陵中牟蘭陽睢

州鄭州滎陽滎澤湯陰汜水十六州縣及離水
次在三百里之外而徵米不及一千石之寧陵
柘城新安商水項城沈邱新鄭并改徵之儀封
考城等九縣所徵漕米耗羨准作腳價外又不
計日程再每石給腳價銀五分其三百里以外
一千石以上之各州縣所徵耗羨給作腳價并
每百里每石給腳價銀三分外又不計日程再
每石總給腳價銀五分則腳價儘可敷用除潯
滑內黃三縣逼近水次耗羨儘堪運兌毋庸再

給脚價外其扶溝商邱虞城鞏縣孟津許州長
葛密縣等八州縣除三百里外不及一百里每
石應給脚價銀二分再每石不計日程統加銀
五分夏邑登封西華臨潁襄城禹州等六州縣
除三百里外不及二百里每石應給脚價銀五
分再每石統加銀五分永城鹿邑洛陽偃師陳
州今改陳州府鄆城等六州縣除三百里外不及三
百里每石應給脚價銀八分再每石統加銀五
分澠池縣除三百里外不及四百里每石應給

脚價銀一錢一分再每石統加銀五分陝州除
三百里外不及五百里每石應給脚價銀一錢
四分再每石統加銀五分靈閼二縣除三百里
外不及六百里每石應給脚價銀一錢七分再
每石統加銀五分通共應給脚價銀一萬八百
五十兩九錢九分於道庫歸公鹽規并節省項
下耗羨銀內動支給發

一雍正七年奏准河南省辦運脚價僅可敷用
不能裕如按原定每錢酌增三分查原題之詳

符陳畱杞縣通許太康尉氏洧川鄆陵中牟蘭
陽睢州鄭州滎澤滎陽湯陰汜水寧陵柘城新
安商水項城沈邱新鄭儀封考城二十五州縣
每石應給腳價銀五分今每石酌增銀一分五
釐扶溝商邱虞城鞏縣孟津許州長葛密縣等
八州縣每石原給腳價銀七分今每石酌增銀
二分一釐夏邑登封宜陽西華臨潁襄城禹州
等七州縣每石原給腳價銀一錢今每石酌增
銀三分永城鹿邑洛陽偃師陳州鄆城等六州

縣每石原給腳價銀一錢三分今每石酌增銀三分九釐澠池縣每石原給腳價銀一錢六分今每石酌增銀四分八釐陝州每石原給腳價銀一錢九分今每石酌增銀五分七釐靈閔二縣每石原給腳價銀二錢二分今每石酌增銀六分六釐使州縣雇覓車輛更屬裕如不致藉口拮据日久生弊

一豫省漕糧米豆向因各府州縣以水次寫遠運兌維艱酌給腳價令各州縣運至水次交兌

乾隆二年以祥符等三十一州縣原給腳價多寡參差不敷所用題准每石每里給銀八毫二絲六忽零於隨漕耗米及原定腳價銀內動支外仍若不敷於節省銀內添補餘剩節省銀兩再行報部其永城等十九州縣離水次更遠題准將額徵米豆折徵銀兩令州縣選役赴水次採買兌運

水次派運

凡各省漕糧派兌水次

國初循照明季舊制有派定不更者有六年一輪轉者事多分歧且以本省本府之漕船不兌本省本府之漕糧而遠調他省往往赴次遷延呼應不靈順治十二年總漕蔡士英題定各省漕糧先就本地衛所就近派兌如船不足方派隔屬衛所撥兌有司既便於督催官丁亦易於鈐束奉行以來漕政肅清今將各省衛所漕船派

定兌運各府州縣漕糧水次逐省分載於後其
中有續經酌定更調者卽於各該省款內開載
以備查考

山東省濟南兗州東昌武定曹州泰安六府水次
臨清衛山東前幫

兌運夏津武城館陶臨清利津蒲臺六州縣
水次

臨清衛山東後幫

兌運章邱青城新城平原齊東臨清六州縣

水次

東昌衛

兌運長清濟陽利津聊城堂邑博平茌平七

縣水次

濟寧衛前幫

兌運冠縣歷城肥城金鄉魚臺單縣嘉祥鉅

野城武平陰陽穀東阿滕縣嶧縣莘縣高唐

十六州縣水次

濟寧衛左幫

兌運厯城章邱鄒平齊河商河恩縣德平臨
邑惠民九縣水次

濟寧衛右幫

兌運長清邱縣平原商河蒲臺厯城陵縣樂
陵八縣水次

濟寧衛後幫

兌運邱縣冠縣長清萊蕪濟寧荷澤曹縣定
陶滋陽曲阜寧陽鄒縣泗水高唐清平十五
州縣水次

東平所

兌運陵縣陽信長山泰安萊蕪汶上東平冠
縣八州縣水次

濮州所

兌運青城濱州淄川鄆城壽張濮州范縣觀
城朝城九州縣水次

德州衛

兌運德州禹城陽信齊東鄒平長山六州縣
水次

河南省開封河南衛輝彰德歸德懷慶陳州七府

汝州許州陝州三州水次

臨清衛河南前幫

兌運濟源河內孟縣溫縣修武等五縣漕糧

臨清衛河南後幫

兌運通許祥符封邱陳留原武汲縣新鄉獲

嘉淇縣許州武安涉縣濬縣滑縣扶溝杞縣

洧川鄆陵中牟濟源武陟長葛等二十二州

縣漕糧

平山衛前幫

兌運陽武太康中牟杞縣洧川蘭陽臨漳原
武濟源長葛禹州密縣新鄭鄭州滎陽滎澤
汜水等十七州縣漕糧

平山衛後幫

兌運湯陰臨漳睢州杞縣尉氏許州孟縣等
七州縣漕糧

任城幫

兌運內黃湯陰洛陽鞏縣偃師孟津修武商

邱輝縣滑縣淇縣延津陳畱鄭州滎陽滎澤
濟源武陟等一十八州縣漕糧

德州左衛

兌運修武武陟林縣內黃滑縣等五縣漕糧

天津所

兌運安陽涉縣孟縣商邱寧陵滑縣等六縣

漕糧

通州所

兌運安陽武安林縣涉縣陳畱通許杞縣祥

符溫縣鞏縣睢州河內濬縣考城等一十四州縣漕糧

徐州衛河南前幫

兌運輝縣太康湯陰河內商邱濬縣杞縣陽武尉氏通許祥符考城禹州等十三州縣漕糧

徐州衛河南後幫

兌運河內登封武陟睢州新鄉安陽臨漳汲縣鞏縣孟津滑縣汜水獲嘉陽武等十四州

縣漕糧 查河南省漕糧舊在衛輝道口濟
縣各水次受兌嗣改於直隸大名府小灘鎮
兌運康熙三十五年復歸衛輝水次三十七
年復歸小灘鎮雍正二年仍於衛輝五陵受
兌乾隆五十三年改定彰德府屬內黃縣之
楚旺水次受兌

江南省江安糧道所屬江寧安慶寧國池州太平
廬州鳳陽淮安揚州徐州潁州十一府廣德六
安亳州海州泗州通州六州水次

建陽衛寧太幫

兌運當塗蕪湖繁昌廣德宣城南陵貴池東
流等八州縣水次

安慶衛前幫

兌運潛山懷寧桐城三縣水次

安慶衛後幫

兌運太湖望江宿松三縣水次

宣州衛

兌運涇縣宣城寧國旌德太平南陵建平七

縣水次

新安衛池州幫

兌運青陽銅陵貴池建德四縣水次

江淮衛九幫

兌運上元句容江寧三縣水次

興武衛二幫

兌運句容六合二縣水次

興武衛九幫

兌運上元江浦江寧三縣水次

廬州衛頭幫

兌運無爲合肥舒城巢縣廬江五州縣水次

長淮衛原宿州頭幫

兌運宿州靈璧虹縣五河盱眙五州縣水次

原宿州衛二幫

兌運亳州蒙城懷遠太和阜陽壽州定遠潁

上霍邱鳳臺六安英山霍山十三州縣水次

淮安衛三幫

兌運清河宿遷睢寧桃源邳州贛榆六州縣

水次

大河衛前幫

兌運山陽鹽城阜寧沐陽泰州五州縣水次

揚州衛二幫

兌運高郵寶應江都甘泉儀徵泰興興化天

長八州縣水次

揚州衛三幫

兌運泰州興化江都甘泉如皋五州縣水次

徐州衛江北幫

兌運銅山沛縣蕭縣豐縣碭山五縣水次

長淮衛三幫四幫遞年輪兌江南江北漕糧其
輪兌江北之年向於徐州府受兌由黃河入
運河乾隆二十五年船隻改泊皂河米用小
船裝載過隄裝入軍船又徐州衛江北幫亦
同案改泊皂河

輪兌江北之年兌運蕭縣豐縣碭山銅山四
縣水次

泗州衛前幫後幫淮安衛頭幫二幫每年派江

南水次三幫江北水次一幫遞年輪派

輪兌江北之年兌運山陽鹽城阜寧海州沐

陽泰州高郵七州縣水次

江南省蘇松糧道所屬蘇州松江常州鎮江四府

太倉一州水次

長淮衛三幫四幫

輪兌江南之年兌運無錫金匱宜興三縣水

次

泗州衛前幫後幫淮安衛頭幫二幫

輪兌江南之年兌運常熟昭文元和吳縣太倉新陽崑山武進宜興江陰荆溪陽湖無錫十三州縣水次

江淮衛三幫六幫

係江安幫船協運蘇松漕糧

兌運溧陽縣水次

江淮衛頭幫二幫四幫五幫七幫八幫興武衛

頭幫三幫四幫五幫六幫七幫八幫廬州衛

二幫三幫鳳陽衛常州幫鳳中衛常州幫二

幫淮安衛四幫揚州衛頭幫儀徵幫滁州衛

蘇州幫大河衛二幫三幫長淮衛頭幫

俱係江安

幫船協運蘇松漕糧

并蘇松糧道所屬之蘇州衛前幫

後幫太倉衛前幫後幫鎮海衛前幫後幫金

山幫鎮江衛前幫後幫蘇州府白糧幫松江

府白糧幫常州府白糧幫等幫船隻原於順

治十二年派定水次雍正五年總漕張大有

以蘇松幫丁與本地收書多親故聯手坐倉

長運年久弊生題准各幫船隻無論土著協

運皆就向年原兌府屬祇調本府各邑水次

遠不過百里近則三四十里定以三年一調
杜其久練情熟盜賣鑽營之弊至太倉所屬
祇鎮洋縣漕船無從更調別次併入蘇州府
各縣內彼此更調

浙江省杭州嘉興湖州三府水次

杭嚴衛頭幫

兌運仁和錢塘二縣水次

杭嚴衛二幫

兌運錢塘仁和海寧餘杭新城昌化於潛臨

安八州縣水次

杭嚴衛三幫

兌運秀水嘉善二縣水次

杭嚴衛四幫

兌運富陽石門海寧三州縣水次

寧波衛前幫

兌運嘉興縣水次

寧波衛後幫

兌運秀水嘉興二縣水次

紹興衛前幫

兌運嘉善縣水次

紹興衛後幫

兌運平湖嘉善二縣水次

台州衛前幫

兌運長興烏程德清三縣水次

台州衛後幫

兌運烏程歸安二縣水次

温州衛前幫

兌運長興烏程二縣水次

溫州衛後幫

兌運德清烏程二縣水次

處州衛前幫

兌運桐鄉石門二縣水次

處州衛後幫

兌運安吉武康德清三縣水次

海寧所

兌運海寧州水次

嘉興衛幫

兌運嘉興秀水平湖海鹽四縣水次

湖州所

兌運歸安縣水次

金衢所

兌運長興歸安二縣水次

嚴州所

兌運海鹽平湖石門三縣水次

嘉興府白糧幫

兌運嘉興秀水嘉善海鹽平湖石門桐鄉七縣水次

湖州府白糧幫

兌運歸安烏程長興德清武康五縣水次

江西省南昌瑞州臨江吉安撫州建昌廣信饒州南康贛州十府水次

南昌衛前幫

兌運南昌上高上饒弋陽新喻五縣水次

南昌衛後幫

兌運新建武寧高安南昌四縣水次

袁州所

兌運豐城寧州

今改義寧州

靖安新淦南豐興安

樂平高安安福安義新昌玉山廣豐十三州

縣水次

贛州衛

兌運玉山永豐臨川金溪崇仁贛縣六縣水

次

吉安所

兌運高安永新吉水南城東鄉新昌樂平臨川蓮花廳八縣一廳水次

安福所

兌運廬陵建昌新建瀘溪奉新新喻新淦七縣水次

永建幫

兌運峽江永新清江廣豐永豐萬年鉛山廬陵上饒餘干上高等十一縣水次

撫州所

兌運高安建昌崇仁廬陵吉水安仁六縣水次

廣信所

兌運浮梁新喻新城奉新進賢泰和龍泉七

縣水次

鉛山所

兌運都昌安義建昌新城安福萬安瀘溪蓮

花廳等七縣一廳水次

饒州所

兌運清江鉛山弋陽貴溪上高奉新靖安豐城進賢新喻新淦峽江廬陵南豐一十四縣水火

九江衛前幫

兌運泰和萬安鄱陽高安靖安新建清江七縣水火

九江衛後幫

兌運鄱陽德興新淦永豐樂平浮梁安仁萬年永新蓮花廳等九縣一廳水火

湖北省武昌漢陽黃州安陸德安荊州六府水次

湖北頭幫

兌運江夏咸寧嘉魚蒲圻崇陽通城通山漢陽黃陂孝感當陽安陸雲夢荊門應城隨州應山黃岡十八州縣水次

湖北二幫

兌運江夏漢陽當陽荊門武昌通山沔陽蘄水天門江陵羅田潛江大冶十三州縣水次

湖北三幫

兌運江夏通山大冶漢陽蘄州沔陽當陽荊
門江陵監利松滋興國公安廣濟石首黃梅
十六州縣水次

湖南省長沙衡州岳州三府澧州一州水次

湖南頭幫

兌運湘陰醴陵寧鄉茶陵湘鄉常寧華容澧
州安福長沙十州縣水次

湖南二幫

兌運善化攸縣瀏陽益陽臨湘巴陵衡山七

縣水次

湖南三幫

兌運湘潭衡陽青泉耒陽安仁平江六縣水
次 查湖廣省漕糧舊係畱充兵餉其船協
運江西康熙九年全漕復行起運原船仍歸
楚省出運

一淮安衛頭二兩幫原係江南水次順治十二
年改派江北水次泗州衛前後兩幫皆派江南
水次康熙元年題定將淮安頭二兩幫泗州前

後兩幫輪流更兌長淮三四兩幫遞年輪兌

一雍正十二年因通州漕米改抵兵糧議准將

高寶二邑漕糧總派揚州二幫兌運甘泉江都

二邑漕糧儘派原揚州四幫今改併揚州三幫

兌運

一乾隆元年題准將江淮衛六幫兌運江寧糧

船十一隻歸併江淮九幫其江淮六幫少管船

隻在江淮三幫船內撥補

一大河前幫水次在清江浦所兌贛榆縣漕糧

須由夏鎮等處運回清江浦交兌殊多周折而
淮安三幫水次在皂河道路較近乾隆十年奏
准將大河前幫應兌顏榆縣漕糧酌改淮安三
幫受兌其淮安三幫應兌沭陽縣漕糧調派大
河前幫受兌

一江淮九興武二兩幫水次有在江寧上元二
縣者有在句容六合二縣者句六二縣例在龍
潭受兌春初水勢消落必得大汛江潮方可出
口每不能跟隨兌運江寧上元二縣漕糧一同

行走乾隆十年題准將二幫漕船遞年輪兌江
淮九幫輪兌句六二縣之年該幫不足之船於
興武二幫船內撥足卽屬江淮九幫運隨管押
興武二幫輪兌句六二縣之年不足之船於江
淮九幫船內撥足卽屬興武二幫運隨管押一
同行走以免間隔二十八年以龍潭運河已經
築壩蓄水開壩之時隨潮齊出並無淺阻若仍
舊互撥分管實屬紛擾咨准將該二幫撥兌句
容六合二縣漕船各歸各幫運弁經管收兌領

運跟隨受兌江寧上元之船一同行走

一湖北各幫兌糧水次乾隆十五年題准挨順
上江下江水次派兌除江夏漢陽二縣漕米仍
舊均派湖北頭二三幫內灑帶裝運其餘各州
縣漕糧分作三幫每幫用船六十隻兌運湖北
頭幫兌運咸寧嘉魚蒲圻崇陽通城通山黃陂
孝感當陽安陸雲夢應城隨州應山黃岡等十
五州縣漕糧湖北二幫兌運黃岡荊門武昌沔
陽蘄水天門江陵羅田潛江大冶等十州縣漕

糧湖北三幫兌運大冶蘄州沔陽荊門江陵監
利興國松滋公安廣濟石首黃梅等十二州縣
漕糧

一乾隆十六年鎮江駐防兵米改支本色截留
鎮江府屬漕糧六萬六千四百二石於蘇松通
省各幫內均勻派裁漕船一百一十六隻將原
兌鎮江府屬所餘漕船撥兌常州府屬常州府
屬餘船撥兌蘇太二屬蘇太二屬餘船撥兌松
江府屬遞相撥兌又乾隆二十九年鎮江漢軍

官兵出旗爲民及改補綠營兵糧減存原截鎮
江府屬漕糧復行起運米三萬七千一百三十
一石零題准於常鎮二屬各幫內加裝起運

一江蘇等屬各標營兵米將山阜等州縣漕糧
改抵卽以蘇揚等屬南鳳米石抵還起運調撥
淮安大河泗州三衛丁船領兌乾隆二十二年
題定泗州前後兩幫輪兌淮糧之年撥運揚糧
船六隻自揚至淮歸揚州幫弁帶押到淮後仍
歸本幫管押自淮至北責成本幫衛弁辦理輪

兌淮屬之淮安頭幫抽運蘇糧船五隻卽歸本
衛二幫兌運蘇次之弁代押又淮安頭幫撥運
揚糧船六隻並大河前幫撥運揚糧船三隻自
次至淮責令揚屬幫弁代押到淮後再歸本幫
管押北上淮安三幫撥運揚糧船四隻揚州幫
弁代押到淮仍歸本幫北上其該幫撥兌蘇糧
船二隻及大河前撥兌蘇糧船三隻均歸大河
三幫代管

一浙江省漕白幫船照派定水次坐兌向無更

調惟是頻年屢奉截畱減船不一而足仁和等縣漕船疊經派減殊恐積困未蘇在於杭嘉湖三府屬漕船內均勻派減漕督一面咨部一面照辦倘減歇幫船並非節次截畱連年災緩之幫仍照定例辦理

乾隆二十三年

一江南興武九幫船七隻二幫船十五隻同兌上元江寧二縣漕糧揚州衛三幫船八隻二幫船五隻同兌通州所屬漕糧各該幫船數既屬無幾應歸併管押將興武九幫船七隻附歸興

武一幫管押揚州衛一幫船五隻附歸揚州衛

三幫管押

乾隆二十三年

一浙江漕船向係派定水次並無更調乾隆二十四年杭屬仁和等縣被災原應坐幫派減因該屬連年災減幫丁疲困於通省幫船內均勻派減

一山東省嶧縣漕糧向撥濟寧衛前幫船二隻在臺莊水次兌通乾隆二十六年酌定在該縣之韓莊地方兌運

一江蘇山陽阜寧等州縣漕糧改抵兵糧以蘇
屬南糧抵還起運將淮屬輪兌幫船五隻撥兌
崑山淮安三幫船二隻大河前幫船三隻撥兌
新陽其輪兌幫船五隻令跟輪兌蘇糧之幫弁
帶管淮安三大河前船五隻議歸受兌蘇糧之
大河三幫運弁管押但新邑米色較之他邑爲
次若令撥運新邑之船坐兌不無偏枯應歸入

大河三幫一體調兌

乾隆二十九年

一裁汰兌運松屬水次之揚州二幫船二十三

隻每年額運米石應灑於江興幫內加裝起運
乾隆三十一年咨准華亭縣糧米派江淮七幫
船二十四隻興武三幫船二十五隻按船加裝
餘剩米石撥江淮七幫船一隻兌運婁縣糧米
派興武七幫船二十七隻按船加裝餘剩米石
撥興武七幫船二隻江淮五幫船三隻興武六
幫船三隻兌運上海縣糧米派興武三幫船三
十一隻興武八幫船二十六隻按船加裝餘剩
米石撥興武八幫船一隻兌運南匯縣糧米派

江淮八幫船三十一隻興武八幫船三十九隻
按船加裝奉賢縣糧米派江淮七幫船三十二
隻江淮五幫船十一隻興武七幫船五隻按船
加裝金山縣糧米派江淮五幫船五十一隻按
船加裝青浦縣糧米派興武四幫船五十九隻
興武六幫船九隻按船加裝

一原裁揚州二幫船隻應運松屬米石乾隆三
十四年因值三年調次之期咨淮南匯縣糧米
派興武四幫船三十二隻興武七幫船三十四

隻按船加裝餘剩米石於興武四幫內撥船六隻兌運上海縣糧米派江淮五幫船四十七隻興武四幫船二十一隻並派跨兌婁縣水次之江淮五幫船二隻兌運華亭縣糧米派興武八幫船三十八隻江淮五幫船十三隻加裝兌運奉賢縣糧米派興武三幫船二十一隻興武八幫船二十八隻加裝兌運青浦縣糧米派江淮八幫船八隻興武三幫船三十六隻按船加裝餘剩米石撥跨兌金山縣水次之江淮八幫船

四隻兌運金山縣糧米派江淮七幫船十四隻
江淮八幫船十九隻與武六幫船十二隻按船
加裝餘剩米石撥跨兌隣近水次之江淮七幫
船二隻兌運婁縣糧米卽於本次江淮七幫船
內加裝兌運仍於全單內粘籤統於下冊調兌
案內查照各縣道里遠近歸正調兌

欽定戶部漕運全書卷十一目錄

兌運事例

水次派運

水次派運

一乾隆三十二年總漕以該年江蘇漕糧額數
無船起運請將揚州二幫兌運安徽省天長縣
漕糧船四隻歸入宿州頭幫帶押抵通部議以
該省漕糧奉

旨間府分免所有揚州幫船如派於本年蠲免卽歸併
帶押如派於下年蠲免仍照例歸揚州二幫押
運

一揚州二幫額船三十四隻內兌運通州屬泰

興縣漕糧船五隻揚州三幫額船九十六隻內
兌運通州屬如皋縣漕糧船八隻其餘船隻皆
係額兌揚州府屬糧米乾隆三十二年該府漕
糧蠲免船入減存惟通州屬漕糧照舊徵運該
二幫內起運五船八船均不成幫無庸專員押
運就近分附大河前泗州後兩幫運弁代押抵
通其未起運以前一切倉丁修造并驗兌糧米
各事宜仍責各本幫千總就近辦理

一江西省便兌節省米石例應次年搭運乾隆